

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренцијски савјет*

**Zaključak**  
**Prijava koncentracije privrednog subjekta Wietersdorfer Baustoffe Beteiligungs GmbH“,**  
**Klagenfurt, Republika Austrija**

**Januar 2011. godine**



Broj: 06-1-26-027-9-II/10  
Sarajevo, 18. januar 2011. godine

Na osnovu člana 25. stav (1) tačka e), člana 42. stav (2), a u vezi s čl. 2., 12., 14. i 16. Zakona o konkurenciji („Službeni glasnik BiH“, br. 48/05, 76/07 i 80/09), a rješavajući po Prijavi koncentracije privrednog subjekta “Wietersdorfer Baustoffe Beteiligungs GmbH“, Ferdinand Jergitsch - Strasse 15, 9020 Klagenfurt, Republika Austrija, zaprimljenoj dana 19. novembra 2010. godine broj: 06-1-26-027-II/10, Konkurencijsko vijeće, na 7. (sedmoj) sjednici održanoj dana 18. januara 2011. godine, je donijelo

### **ZAKLJUČAK**

1. Odbacuje se Prijava koncentracije privrednog subjekta “Wietersdorfer Baustoffe Beteiligungs GmbH“, Ferdinand Jergitsch - Strasse 15, 9020 Klagenfurt, Republika Austrija, radi nepostojanja obaveze prijave koncentracije, u smislu odredbi Zakona o konkurenciji.
2. Ovaj Zaključak bit će objavljen u „Službenom glasniku BiH“, službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće Bosne i Hercegovine (u daljem tekstu: Konkurencijsko vijeće) je zaprimilo, dana 19. novembra 2010. godine pod brojem: 06-26-1-027-II/10, Prijavu koncentracije (u daljem tekstu: Prijava) privrednog subjekta “Wietersdorfer Baustoffe Beteiligungs GmbH“, Ferdinand Jergitsch - Strasse 15, 9020 Klagenfurt, Republika Austrija (u daljem tekstu: “WBB“ ili Podnosilac prijave), putem Zajedničkog advokatskog ureda Bojana Tkalčić-Đulić, Olodar Prebanić, Adela Rizvić i Arela Jusufbašić - Goloman, Alipašina 51,71000 Sarajevo (punomoć od dana 29. oktobra 2010. godine), kojom namjerava od privrednog subjekta Društvo za građevinarstvo unutrašnju i spoljnu trgovinu d.o.o. “House-Milos” Ilidža, Rudnik 115, Ilidža, 71000 Sarajevo (u daljem tekstu: “House Milos”) kupiti 25,1% udjela u osnivačkom kapitalu njegovog povezanog privrednog subjekta “RR - Company”, društvo sa ograničenom odgovornošću za proizvodnju i usluge Kiseljak, Plješevac bb, Kiseljak (u daljem tekstu: “RR - Company”).

Uvidom u podnesenu Prijavu Konkurencijsko vijeće je utvrdilo da ista nije kompletna, u smislu člana 30. Zakona o konkurenciji („Službeni glasnik BiH“, br. 48/05, 76/07 i 80/09) (u daljem tekstu: Zakon) i čl. 9. i 11. Odluke o načinu podnošenja prijave i kriterijima za ocjenu koncentracije privrednih subjekata („Službeni glasnik BiH“, broj 30/10), te je zatražilo dopunu iste, u skladu sa članom 31. Zakona, aktom broj: 06-26-1-027-1-II/10 od dana 1. decembra 2010. godine.

Podnosilac prijave je podnio zahtjev za produženje roka za kompletiranje Prijave, podneskom broj: 06-26-1-027-1-II/10 od dana 7. decembra 2010. godine, u smislu člana 31. stav (2) Zakona,

koji je Konkurencijsko vijeće razmotrilo i odobrilo dodatnih petnaest dana, aktom broj: 06-26-1-027-2-II/10 od dana 7. decembra 2010. godine, u smislu člana 31. stav (2) Zakona.

Podnosilac prijave je dostavio dio tražene dokumentacije, podneskom broj: 06-26-1-027-3-II/10 od dana 22. decembra 2010. godine, te podnio dodatni zahtjev za produženje roka za kompletiranje Prijave.

Konkurencijsko vijeće razmotrilo je zahtjev i odobrilo dodatnih petnaest dana za kompletiranje Prijave, u smislu člana 31. stav (2) Zakona, aktom broj: 06-26-1-027-5-II/10 od dana 23. decembra 2010. godine.

Podnosilac prijave u odobrenom roku je dostavio svu traženu dokumentaciju, podneskom broj: 06-26-1-027-6-II/10 od dana 7. januara 2011. godine, te je Konkurencijsko vijeće utvrdilo Prijavu kompletnom i izdalo Potvrdu o prijemu kompletne i uredne Prijave, u skladu sa članom 30. stav (3) Zakona, aktom broj: 06-26-1-027-7-II/10 od dana 11. januara 2011. godine.

Podnosilac prijave je naveo, u smislu člana 30. stav (2) Zakona, da nema obavezu podnijeti zahtjev za ocjenu koncentracije nekom drugom tijelu za konkurenciju izvan teritorije Bosne i Hercegovine.

Konkurencijsko vijeće u postupku ocjene Prijave je utvrdilo slijedeće činjenice:

Predmetna Prijava je podnesena pravovremeno, u skladu sa članom 16. stav (1) Zakona.

## **1. Učesnici predmetne koncentracije**

Učesnici koncentracije su privredni subjekt "Wietersdorfer Baustoffe Beteiligungs GmbH", Ferdinand Jergitsch - Strasse 15, 9020 Klagenfurt, Republika Austrija, i privredni subjekt Društvo za građevinarstvo unutrašnju i vanjsku trgovinu d.o.o. "House Milos" Ilidža, Rudnik 115, Ilidža, 71000 Sarajevo.

### **1.1. Privredni subjekt "WBB"**

Privredni subjekt "Wietersdorfer Baustoffe Beteiligungs GmbH", Ferdinand Jergitsch - Strasse 15, 9020 Klagenfurt, Republika Austrija, je upisan u registar pravnih lica u Klagenfurtu pod brojem: FN 288433 t, 2007. godine, sa ukupnim osnovnim kapitalom od od (..)\*<sup>1</sup> KM (EUR (..)\*), sa (..)\*% vlasničkih udjela (ukupne vrijednosti (..)\* KM - EUR (..)\*) privrednog subjekta Wietersdorfer Industrie - Beteiligungs GmbH, Ferdinand Jergitsch - Strasse 15, 9020 Klagenfurt, Republika Austrija (u daljem tekstu: WIB) (registar broj: FN 1117222 y) i (..)\*% vlasničkih udjela (ukupne vrijednosti (..)\* KM - EUR (..)\*) privrednog subjekta Intercement d.o.o. Ljubljana, Dunajska 63, SVN-1000 Ljubljana, Republika Slovenija (registrovan u Okružnom sudu u Ljubljani pod brojem: 1554760).

Pretežne registrovane djelatnosti privrednog subjekta "WBB" su preuzimanje i upravljanje drugim privrednim subjektima iz sektora građevinarstva.

Privredni subjekt "WBB" u Bosni i Hercegovini ima (..)\*% vlasničkih udjela u osnovnom kapitalu privrednog subjekta BAUMIT d.o.o., Osik 2, 71000 Sarajevo, i (..)\*% vlasničkih udjela u osnovnom kapitalu privrednog subjekta W&P Milos, Rudnik 121, Ilidža, 71000 Sarajevo

---

<sup>1</sup> (..)\* Podaci predstavljaju poslovnu tajnu, u smislu člana 38. Zakona o konkurenciji

(preostalih (..) \*% vlasničkih udjela ima privredni subjekt “House Milos”), te (..) \*% vlasničkih udjela u osnovnom kapitalu privrednog subjekta Kema BH d.o.o. Sarajevo, Lužansko polje 40, 71000 Sarajevo (preostalih (..) \*% vlasničkih udjela ima privredni subjekt Kema Puconci d.o.o. Puconci, Republika Slovenija).

## 1.2. Privredni subjekt “House Milos“

Privredni subjekt Društvo za građevinarstvo unutrašnju i spoljnu trgovinu d.o.o. “House Milos” Ilidža, Rudnik 115, Ilidža, 71000 Sarajevo, je upisan u registar kod Općinskog suda Sarajevo pod brojem: 1-5723. (JIB 4200614210005), sa ukupnim osnovnim kapitalom od (..) \* KM, sa (..) \*% vlasničkih udjela fizičkog lica Milos Franje (Trg nezavisnosti 11, 71000 Sarajevo), (..) \*% fizičkog lica Milos Danijele (Rakovička cesta 389, Ilidža, 71000 Sarajevo) i (..) \*% vlasničkih udjela u osnovnom kapitalu fizičkog lica Milos Davora (Rakovička cesta 389, Ilidža, 71000 Sarajevo).

Pretežne registrovane djelatnosti privrednog subjekta “House Milos“ su proizvodnja cigli, crijepa, cementa, kreča, betonskih proizvoda za građevinarstvo, proizvoda vještačkog kamena i drugih proizvoda za građevinarstvo.

### 1.2.1. Privredni subjekt “RR - Company”

Privredni subjekt “RR - Company”, društvo sa ograničenom odgovornošću za proizvodnju i usluge Kiseljak, Plješevac bb, Kiseljak, je upisan kod Općinskog suda u Travniku pod brojem: 51-01-1703-09 (stari broj 1-62) (JIB 4236102130004), dana 14. juna 1994. godine (Rješenje Višeg suda u Travniku broj: U/I-37/94), sa upisanim osnovnim kapitalom od (..) \* KM, sa (..) \*% vlasničkih udjela privrednog subjekta “House Milos“.

Pretežne registrovane djelatnosti privrednog subjekta “RR - Company” su vađenje ukrasnog i kamena za građevinarstvo, vađenje krečnjaka, krede, šljunka, ostalih ruda i kamena, visokogradnja i slično.

## 2. Obaveza prijave koncentracije

Ukupni godišnji prihodi privrednih subjekata učesnika koncentracije (i s njima povezani privredni subjekti), na dan 31. decembra 2009. godine, iznose:

Tabela 1.

R.b.	Privredni subjekt	Svijet		Bosna i Hercegovina	
		EUR	KM	EUR	KM
1.	WIB	(..) *	(..) *	(..) *	(..) *
2.	WBB	(..) *	(..) *	(..) *	(..) *
3.	House Milos	-	-	-	(..) *
4.	RR - Company	-	-	-	(..) *

Izvor: Podaci iz Prijave

Godišnji prihodi učesnika koncentracije (Tabela 1.) predstavljaju ukupne prihode ostvarene prodajom roba i /ili usluga (bez poreza na dodanu vrijednost i drugih direktnih poreza), u smislu člana 9. tačka h) Odluke o načinu podnošenja prijave i kriterija za ocjenu koncentracija privrednih subjekata.

## 3. Pravni osnov i oblik prijave koncentracije

U skladu sa poslovnim planovima i strateškim usmjerenjima Skupština dioničara privrednog subjekta "House Milos", na osnovu prijedloga Nadzornog odbora na sjednici održanoj dana 3. novembra 2010. godine, je donijela Odluku o prijenosu udjela njegovog povezanog privrednog subjekta "RR - Company" na privredni subjekt "WBB".

Privredni subjekt "House Milos" (prodavac) i gospodarski subjekt "WBB" (kupac), zastupan po advokatici Rizvić Adeli (iz Zajedničkog advokatskog ureda Sarajevo), su zaključili dana 4. novembra 2010. godine u Sarajevu, Okvirni ugovor o prodaji 25,1% udjela u osnivačkom kapitalu (u daljem tekstu: Okvirni ugovor) u privrednom subjektu "RR - Company" (povezanom društvu privrednog subjekta "House Milos").

#### **4. Ocjena Prijave koncentracije**

Konkurencijsko vijeće je utvrdilo iz podataka Prijave i dostavljene dokumentacije (Okvirni ugovor) da se predmetna transakcija ne smatra koncentracijom, u smislu člana 12. st. (1) i (2) Zakona, budući da privredni subjekt "WBB" kupovinom 25,1% udjela u osnivačkom kapitalu kao i preuzimanjem određenih prava u upravljačkoj strukturi privrednog subjekta "RR -Company", ne stiče kontrolu ili dominantni uticaj u upravljanju nad istim, u smislu člana 2. stav (2) Zakona.

Uzimajući u obzir navedeno Konkurencijsko vijeće je odlučilo kao u dispozitivu ovog Zaključka.

#### **5. Administrativna taksa**

Podnosilac prijave na ovaj Zaključak, u skladu sa članom 2. stav (1) tarifni broj 108. tačka c) Odluke o administrativnim taksama u vezi sa procesnim radnjama pred Konkurencijskim vijećem («Službeni glasnik BiH», broj 30/06) je dužan platiti administrativnu taksu u ukupnom iznosu od 1.000,00 KM u korist Budžeta institucija Bosne i Hercegovine.

#### **6. Pouka o pravnom lijeku**

Protiv ovog Zaključka nije dozvoljena žalba.

Nezadovoljna strana može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objave ovoga Zaključka.

**Predsjednik**

**dr. Stjepo Pranjić**